

կիր և Կիրակոս պատրիարքներու օրով ևս կարևոր նորոգութիւններ կատարուած են: Իսկ 1795 ին ալ Ասանացի Յովհաննէս ք. եկեղեցիին բոլոր պատերը գեղեցիկ յիմներով զարդարել տուած է, ըստ յիշատակարանի:

## 6. Քրանչիսկեանց կը հիւրընկալուին Ս. Հրեշտակապետի մէջ.

Սուլթան Սիւլէյման Բ. ի կ'ընծայուի Երուսաղէմի արդի պարսպին վերաշինութիւնը, և կ'աւանդուի թէ պարսպէն զուրս թողուած են Սիոնի եկեղեցին, Փրկչի մեր վանքը և ուրիշներ, հակառակ արքայական հրամանին, այդ պատճառաւ ճարտարապետն ալ պատժուած է: Պարսպէն զուրս թողուած այդ վանքերը զրացիներուն կողմէն ենթակայ էին աւերումներու և կեղեքումներու: Սիոնի վանականաց մասին տեղացիներուն բողոքները հասան մինչև արքունիք, Պոլիս: Սիւլէյման Բ. երեք հրովարտակներ հրատարակեց, վերջինը՝ 2 Յունիս 1551 ին, և հրամայեց որ Սիոնի վանքէն Փրանչիսկեանները վտարուին: Վտարուածներու գլխաւորները նոր վանք մը ունենալու համար, գիմեցին Սուլթանին՝ բայց չյաջողեցան. գիմեցին Պոլսի Հայոց պատրիարքարանը որ անոնց տուաւ յանձնարարական մը՝ որպէս զի Ս. Յակոբի Միաբանութիւնը կա՛մ քաղաքին մէջ և կա՛մ դուրսը վանք մը տրամադրէ անոնց բնակութեան համար: 1554 ին Պոլսի այդ գիմումին վրայ Միաբանութիւնը, Մերտինցի Անդրէաս պատրիարքի օրով, յետ երկար խորհրդակցութեան, քրիստոնէական սիրոյ զգացումէն մղուած որոշեց Ս. Հրեշտակապետի վանքին մէջ առժամաբար հիւրընկալել Սիոնի վանքէն վտարուած Փրանչիսկեան կրօնաւորները. և առանց վարձքի անոնց յատկացուցին եկեղեցիին մէջ երկու խորան, եկեղեցիին ետեւի կողմէն երկու ջրոք և բնակութեան համար երկու բաժին, խանէն մինչև պարտէզ, և հաստատեցին դաշինք մը որուն մէջ յիշած են ինչ ինչ կենցաղական պայմաններ: Փրանչիսկեանք եօթը տարի կը մնան Հրեշտակապետի վանքին մէջ և ապա կը յաջողին վրացիներու Ս. Յովհաննէսի վանքը գնել և հոն բնակիլ: Մինչև հիմակ ցոյց կը տրուի այն խորանը և աւանդատունը ուր պաշտամունք կը կատարէին անոնք. նոյն իսկ կ'ըսուի թէ եկեղեցիին